

Në bazë të nenit 35, të Statutit të Federatës së Çiklizmit të Kosovës, e me qëllim të mbarëvajtjes së punës, Bordi i Federatës në mbledhjen e vetë të rregullt të mbajtur më 19.11.2022 nxjerr:

RREGULLORE E PUNËS SË BORDIT TË FEDERATËS SË ÇIKLIZMIT TË KOSOVËS

Prishtinë 19.11.2022

Dispozita të Përgjithshme

Neni 1.

Me këtë Rregullore parashihet puna e Bordit të Federatës së Çiklizmit të Kosovës (në tekstin e mëtejshëm Bordi i Federatës) dhe atë:

- Përgatitja, thirrja dhe mbajtja e mbledhjeve të Bordit të Federatës,
- Udhëheqja me mbledhjet e Bordit të Federatës,
- Mënyra e aprovimit të vendimeve, të konkluzioneve dhe të qëndrimeve të Bordit të Federatës,
- Mënyra e emërimit të sekretarit të përgjithshëm të Federatës ,
- Mënyra e informimit për punën e Bordit të Federatës etj.

Neni 2.

Mbledhjet e Bordit të Federatës mund të jenë të rregullta dhe të jashtëzakonshme.

Neni 3.

Mbledhjet e rregullta të Bordit të Federatës i thërret Kryetari i Bordit, në mungesë të tij nënkryetari.

Neni 4.

Mbledhja e jashtëzakonshme e Bordit të Federatës mund të thirret:

- me kërkesën e Kryetarit
- me kërkesën e më së paku një të tretës (1/3) së anëtarëve të Bordit,
- me kërkesën e Këshillit Mbikëqyrës.

Neni 5.

Mbledhja e jashtëzakonshme mund të vendos vetëm për çështjet për të cilat është thirrur.

Neni 6.

Mbledhjen e Jashtëzakonshme duhet ti thërras Kryetari në afat prej 10 ditësh, prej ditës së marrjes së kërkesës, si dhe iniciuesi i procedurës përkatësisht anëtari i Bordit.

Neni 7.

Mbledhjet e Bordit janë publike, përveç nëse Bordi nuk vendos ndryshe.

Neni 8.

Mbledhjet e Bordit të Federatës mbahen sipas nevojës, por më së paku një herë në tre muaj.

Neni 9.

Kohëzgjatja e mbledhjes së Bordit të Federatës mvaret nga rendi i ditës së aprovuar nga ana e Bordit, mirëpo në asnjë rast nuk mundë të zgjatë më tepër se katër (4) orë.

- Asnjë anëtar i Bordit nuk mundet me marrë fjalën më tepër se dy herë, për çdo pikë të rendit të ditës.

Neni 10.

Ftesa për mbledhjen e Bordit të Federatës duhet të përmbajë rendin e ditës, datën, kohën dhe vendin e mbajtjes së mbledhjes, duhet t'u dërgohet anëtarëve të Bordit më së paku shtatë (7) ditë para mbledhjes, së bashku me materialet për shqyrtim.

Neni 11.

Mbledhjen e Bordit të Federatës e hapë dhe e drejton Kryetari.

Në mungesë të Kryetarit, mbledhjen e Bordit të Federatës e drejton nënkryetari ose njëri nga anëtarët e Bordit, të cilin e cakton vetë Bordi i Federatës.

Neni 12.

Mbledhja e Bordit të Federatës mbahet nëse në mbledhje marrin pjesë më tepër se gjysma e anëtarëve të tij. Në të kundërtën mbledhja shtyhet dhe konvokohet përsëri.

Neni 13.

Mbas konstatimit se ekziston koorumi, rendin e ditës e propozon Kryetari, kurse aprovimi i rendit të ditës bëhet nga anëtarët e Bordit me ngritje të dorës.

Secili anëtar i Bordit ka të drejtë të propozojë plotësimin ose edhe ndryshimin e rendit të ditës, për të cilën gjë vendos Bordi i Federatës.

Në qoftë se ka propozime për ndryshim ose plotësim të rendit të ditës, Bordi i Federatës së pari vendos për këto propozime e mandej aprovon rendin e ditës.

Nëse votohet atëherë votimi bëhet me vota të hapura.

Neni 14.

Në mbledhjet e Bordit të Federatës mbahet procesverbali. Procesverbalin e mban sekretari i Federatës.

Procesverbali, i cili përveç tjerash patjetër duhet të përmbajë vendimet eventuale të Bordit, miratohet në mbledhjen e ardhshme.

Mbas miratimit, procesverbali nënshkruhet nga Kryetari i Bordit dhe procesmbajtësi.

Neni 15.

Mbas përfundimit të diskutimeve për secilin propozim që parashtrohet në mbledhje, votohet në Bordin e Federatës.

Secili anëtar i Bordit ka vetëm një votë në Bordin të Federatës.

Neni 16.

Anëtarët e Bordit të Federatës që dëshirojnë të diskutojnë, këtë të drejtë e realizojnë me lejen e Kryetarit të Bordit ose të kryesuesit të mbledhjes.

Diskutuesi gjegjësisht anëtar i Bordit të Federatës ka të drejtë të diskutojë vetëm për atë çështje që është në rend të ditës. Nëse largohet nga pika e rendit të ditës kryesuesi i mbledhjes ka të drejtë t'ia ndalë diskutimin.

Neni 17.

Bordi i Federatës mund të marr vendime të plotëfuqishme në qoftë se në mbledhje marrin pjesë më tepër se gjysma e anëtarëve të Bordit.

Vendimet e Bordit të Federatës janë të obligueshme për të gjithë anëtarët dhe organet e Federatës.

Neni 18.

Vendimet në Bordin të Federatës merren me shumicën e thjeshtë të votave të anëtarëve të pranishëm, përveç kur një vendimmarrje rregullohet ndryshe me statutin e Federatës. Në rast të numrit të barabartë të votave “për” dhe “kundër” vendos vota e Kryetarit të Bordit gjegjësisht të kryesuesit. Secili anëtar i Bordit të Federatës mund të abstenojë prej votimit, për të cilën çështje ai ose ajo ka interes personal ose ekonomik.

Neni 19.

Votimi në mbledhjet e Bordit të Federatës bëhet me vota të hapura. Në qoftë se çështja është e rëndësisë së veçantë dhe Bordi mendon se votimi duhet të bëhet me vota të fshehta, atëherë veprohet sipas vendimit të shumicës.

Neni 20.

Sekretarin e përgjithshëm e emëron Bordi i Federatës me propozimin e Kryetarit. Në qoftë se anëtarët e Bordit të Federatës nuk pajtohen me propozimin e Kryetarit, atëherë Kryetari ka të drejtë të propozojë një individ tjetër, për të cilin arrihet konsensusi. Votimi për emërimin e sekretarit të përgjithshëm bëhet me vota të hapura, përveç nëse Bordi i Federatës nuk vendos ndryshe.

Neni 21.

Sekretari i përgjithshëm emërohet me mandat katër (4) vjeçar, me mundësi të rizgjedhjes.

Neni 22.

Sekretar i përgjithshëm i Federatës mund të zgjidhët vetëm personi i cili:

- është shtetas i Republikës së Kosovës,
- është personalitet i moralshëm dhe pedagog i dalluar me aftësi të dëshmuara profesionale, organizative dhe menagjuese.

Neni 23.

Sekretari i përgjithshëm me Federatën themelon marrëdhënie pune me gjysmë norme, me kontratë në afat të caktuar, në bazë të Ligjit të punës të Kosovës.

Neni 24.

Bordi i Federatës mund të formojë trupa punues (Këshilla dhe Komisione) të përherëshme dhe të përkohshme.

Këshillat dhe Komisionet për punën e tyre i përgjigjen Bordit të Federatës.

Neni 25.

1. Komisionet e FÇK janë:

- a) Komisioni i Garave;
- b) Komisioni Profesional
- c) Komisioni i Triatletëve;
- d) Komisioni i Referve;
- e) Komisioni Legjislativ;
- f) Komisioni Mjekësor;
- g) Komisioni i regjistrimit/ licencimit të klubeve sportistëve trajnerve
- h). Komisioni Dicipinor
- i) Komisioni i Ankesave

Të emëroje ose shkarkojë trajnerët e reprezentacionit.

Neni 26.

Kërkesat, ankesat ose propozimet që parashtrojnë anëtarët e Federatës, Bordi duhet t'i shqyrtojë në afat kohor prej dy (2) javësh. Vendimi ose konkluzioni i Bordit të Federatës duhet t'i dorëzohet anëtarit të Federatës në afat prej një (1) muajsh, në formën e shkruar.

Neni 27

Për punën e vet Bordi i Federatës rregullisht informon opinionin publik, e në veçanti anëtarët e rregullt të Federatës. Informimi bëhet nëpërmjet mjeteve të informimit, buletineve, raporteve, vjetore etj.

Neni 28.

Anëtarët e Bordit të cilët janë të komunave përkatësisht, regjioneve tjera duhet t'ju kompenzohet udhëtimi i ardhjes gjerë në Prishtinë.

Neni 29.

Kjo Rregullore konsiderohet e aprovuar nëse për të votojnë dy të tretat (2/3) e anëtarëve të Bordit të Federatës, që marrin pjesë në mbledhje.

Ndryshimi dhe plotësimi i kësaj Rregulloreje bëhet në të njëjtën mënyrë sikurse edhe aprovimi i saj.

Neni 30.

Kjo Rregullore hyn në fuqi në ditën e aprovimit të saj nga Bordi i Federatës.

Prishtinë:
19.11.2022

Kryetari i Federatës:
Avni Nuha